



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

§. XI. An Ius patronatus legari, vel donari possit absque consensu Episcopi.

urn:nbn:de:hbz:466:1-11401

vel quadrimestri, nec sine litis
procedere potest ad illius colla-
tionem *Rota in d. Dertonen. Iu-
rispatronatus coram Peria.*

76 Adde, quod si Episcopus in-
tra tempus presentandi conscius
iuris adhuc non deuoluti bene-
ficio contulerit, valida esset
collatio, dummodo Patrono non
reclamante, nec contradicente,
elapsus fuerit terminus: secus si
Patronus in tempore sibi dato ad
presentandum, alium presentaue-
rit, siue expressè contradixerit;
quia cum videatur sperni, ex tunc
collatio à iure reputatur irrita.
*cap. decernimus 16. q. 7. Barbos. in
cap. illud nu. 9. de Iurepatr. ubi ci-
tat. Roch. ver. honorificum num. 2.
Lambertin. 3. par. 2. lib. 9. 2. ar. 2.
Put. par. 3. dec. 312. Gonz. ad reg. 8.
Caneell. glos. 56. numer. 78. cum seq.
Garc. de Benef. p. 5. c. 9. n. 231. & seq.
Flamin. de Resign. benefic. lib. 2.
q. 4. nu. 15. & 16. & lib. 8. q. 10. nu-
mero 10. & alios.*

77 Querens, an ordinarius possit
beneficio Iurispatronatus laico-
rum noui onus imponere? Resp.
negatiuè, ut censuit S. Congrega-
tio teste Aloyf. Ricc. in Prax. for.
eccles. par. 1. ref. 503. beneficijs ve-
rò liberè collationis potest Epif-
copus honestum onus iniungere,
ut constat ex cap. Significatum
de Preben.



S. XI.

*An Iurispatronatus legari, vel donari
possit absque consensu
Episcopi.*

78 **R** Esp. negatiuè ex cap. illud,
ubi id notant omnes de Iure-
patr. nec sufficeret auctoritas Vi-
carij, si specialem facultatem non
habeat, quamuis prester titulum
ad prescribendum, ut decisam
refert Ricc. in Prax. for. eccles. par.
2. ref. 637. & par. 2. ref. 469. ubi etiã
resoluit, presentationem factam
per illum, cui donatum fuit Iur-
patronatus, ante assensum presti-
tum per Episcopum esse nullam:
vnde potest donans presentare,
non obstante donatione à se fa-
cta Beltram. ad Greg. dec. 420. n. 7.
79 sufficeret autem consensus Epif-
copi etiam tacitus, puta si fieret
donatio presente Episcopo, &
tacente Ricc. in Prax. p. 3. ref. 291.
vel si post donationem presenta-
tiones admiserit, ut decisum re-
fert Beltramin. loco cit. item vali-
da esset donatio huiusmodi laico
facta à principio sine auctoritate
ordinarij, si postea superueniat
Ricc. in Prax. for. eccles. par. 3. ref.
289. & in collect. decis. 2157. par. 6.
Beltram. ad Greg. d. decis. 420. n. 7.
ubi etiam dicit, quod iste consen-
sus ordinarij presumitur ex lapsu
30. annorum iuncta obseruancia
& hanc communem dicit Villal.
relatus in Syntagm. commun. opin.
tit. de Iurepatr. cap. 2. vers. consen-
sus Episcopi.

Predicta tamen conclusio pro-
cedit

80 cedit, quando Iuspatronatus a laico in laicum transfertur, secus esset, si Iuspatronatus donetur ecclesie, seu locis pijs, tunc enim consensus Episcopi non requiritur *Gratian, discept. 177. numer 3. V. iui. tom. 1. com. opin. lib. 1. tit. 4. num. 9. & alij, quos refert, & sequitur Barbof. in dict. cap. illud num. 6.*

81 Obserua tamen, quod si laicus de consensu Episcopi ecclesiam Monachis donaret, eo casu ex huiusmodi donatione non solum transfertur Iuspatronatus, sed etiam dominij proprietates, & omnia iura temporalia, quae habebat Episcopus *secundum glos. in cap. de Monachis ver. de prouentibus de Preb. quam in hoc communiter esse receptam dicit Vis. relatus in Syntag. opin. com. tit. de Iurepatr. cap. 2. vers. Donari.*

82 Similiter haud esset necessarius Episcopi consensus in donatione Iurispatronatus facta Compatrono *Azor. instit. mor. par. 2. lib. 6. c. 20. q. 6. Peregr. conf. 87. n. 6: vol. 3. quos refert Barbof. in d. cap. illud num. 4. de Iurepatr. secus si donatio fieret per compatronum filio alterius compatroni Patre adhuc viuente, quia tunc etiam exigitur Episcopi assensus *Ricc. in collect. dec. 2157. p. 6. ubi citat Verall. decis. 130: & 363. lib. 2.**

83 Queres 1. an Iuspatronatus transeat in fideicommissarium. Resp. negatiue, quemadmodum neque ad illum transeunt iura sepulchrorum: quia ad fideicommissarium transeunt ea, quae concernunt commodum pecuniarium;

ius autem patronatus, & sepulchrorum non est huiusmodi, & ideo penes heredem remanet *quia perinde ff. ad Trebellian. & hanc esse communem dicit Bonacof. & alij relati in Sintagm. opin. com. tit. de Iurepatr. cap. 2.*

84 An vero Iuspatronatus transeat ad heredes extraneos? Resp. affirmatiue *ex clem. plures, ubi glos. & DD. de Iurepatr.*

85 Queres 2. an Episcopus possit cogi ad huiusmodi assensu praestandum? Resp. posse ad id compelli auctoritate Superioris, seu Metropolitanani *cap. nullus ubi Doctores de Iurepatr. potest etiam Superior in tali casu loco Episcopi consensum praestare, & eius consensus sufficeret *Ricc. in Prax. p. 3. ref. 294. quod intellige, si absq. iusta causa Episcopus consentire recuset: si enim adest aliqua iusta causa denegandi consensum, tunc minimè potest Episcopus per Superiorem compelli ad consentiendum; & si superior compelleret, esset locus appellationi ad superiorem Superioris *glos. fin. in d. c. nullus, & alij apud Ricc. d. ref. 294.***

S. XII.

An patronum inopem ecclesia alere teneatur.

86 **C**erta in iure conclusio est, quod ecclesia ex gratitudine tenetur alere patronum, & eius filios, si egestate laborent. *c. quicumq. 17. q. 7. cap. nobis de Iurepatr.*